

REGLUR

um Lyfjafræðistofnun Háskóla Íslands.

1. gr.

Almennt.

Lyfjafræðistofnun Háskóla Íslands er vísindaleg rannsóknastofnun sem starfrækt er af Háskóla Íslands.

Stofnunin er vettvangur rannsókna- og þróunarstarfs á fræðasviðum lyfjafræðinnar og eiturefnafræðinnar. Stofnunin heyrir undir læknadeild og lyfjafræðideild sameiginlega samkvæmt samningi sem deildirnar gera sín á milli um verkefni á fræðasviðum læknisfræði og lyfjafræði og um fjármál.

2. gr.

Hlutverk.

Hlutverk Lyfjafræðistofnunar er:

- að efla tengsl rannsókna og kennslu og samhæfa rannsóknir í lyfjafræði, læknisfræði og skyldum greinum sem unnið er að við Háskóla Íslands,
- að styðja kennslu og þjálfun í vísindalegum vinnubrögðum og veita nemendum í framhaldsnámi og rannsóknatengdu námi (sem hluta af námi til fyrstu háskólagráðu, meistara- og doktorsnámi) aðstöðu og búnað til rannsóknarstarfa eftir því sem kostur er,
- að stuðla að samstarfi við innlenda og erlenda rannsóknaraðila á sviði lyfjafræði, læknisfræði og í öðrum heilbrigðisvísindagreinum og sterkum tengslum við atvinnu- og þjóðlíf,
- að stunda þjónusturannsóknir á sviðum lyfjafræði og eiturefnafræði gegn greiðslu,
- að gefa út og kynna niðurstöður rannsókna í lyfjafræði og eiturefnafræði,
- að veita upplýsingar og ráðgjöf varðandi lyfjafræði og eiturefnafræði,
- að gangast fyrir námskeiðum og fyrirlesturum í lyfjafræði og eiturefnafræði.

3. gr.

Stofuskipulag.

Lyfjafræðistofnun skiptist í fimm rannsóknastofur:

1. Rannsóknastofu í lyfjaefnafræði (þar á meðal eðlislyfjafræði).
2. Rannsóknastofu í lyfja- og efnafræði náttúruafna.
3. Rannsóknastofu í lyfjagerðarfræði (þar á meðal aðgengisfræði).
4. Rannsóknastofu þjónusturannsókna sem skipt er í einingar eftir því sem mælt er fyrir um í samþykkt um þjónusturannsóknir sbr. 3. mgr. 7. gr. þessara reglna.
5. Rannsóknastofu í lyfja- og eiturefnafræði, en innan hennar starfa rannsóknastofa í eiturefnafræði og rannsóknastofa í líflyfjafræði (þar á meðal klínísk lyfjafræði).

Stjórn stofnunarinnar er heimilt með samþykki læknadeildar og lyfjafræðideildar, að ákveða aðra skiptingu í rannsóknastofur. Stjórnin kveður á um skiptingu fræðigreina milli stofa og getur ákveðið að skipta rannsóknastofum upp í deildir.

4. gr.

Aðstaða.

Háskóli Íslands lætur stofnuninni í té starfsaðstöðu, svo sem húsnæði og búnað eftir því sem kostur er.

Stofnunin veitir starfsliði sínu skv. 8. gr. aðstöðu og nauðsynlegan búnað til rannsókna eftir því sem unnt er.

5. gr.
Stjórn.

Læknadeild og lyfjafraeðideild skipa lyfjafraeðistofnun sex manna stjórn til tveggja ára í senn. Skulu þrír stjórnarmanna koma úr lyfjafraeðideild og þrír úr læknisfraeðiskor læknadeildar.

Stjórnin skiptir með sér verkum.

Sé ekki ráðinn forstöðumaður við stofnunina kemur formaður stjórnar fram fyrir hönd stofnunarinnar og annast daglegan rekstur hennar.

6. gr.
Stjórnarfundir.

Formaður stjórnar boðar stjórnarfundi bréflaga, eða í tölvupósti, með þriggja daga fyrirvara. Fundarboð skal greina dagskrá fundar.

Skylt er að boða stjórnarfund óski tveir eða fleiri stjórnarmenn þess. Sama gildir ef forseti læknadeildar, forseti lyfjafraeðideildar eða rektor ber fram slíka ósk og hafa þeir þá málfrelsi og tillögurétt á fundinum.

Falli atkvæði jöfn á stjórnarfundi ræður atkvæði formanns eða þess sem gegnir formannsstörfum.

Halda skal gerðabók stjórnar og skulu staðfestar fundargerðir færðar í hana. Afrit fundargerða skulu send forsetum læknadeildar og lyfjafraeðideildar.

Ef forstöðumaður er ekki kjörinn stjórnarmaður situr hann stjórnarfundi með málfrelsi og tillögurétt en án atkvæðisréttar.

7. gr.
Verkefni stjórnar.

Stjórnin tekur allar stefnumarkandi ákvarðanir fyrir stofnunina og setur henni starfsreglur. Stjórnin sker úr í vafaatriðum sem upp kunna að koma og varða innri starfsemi stofnunarinnar.

Stjórnin ber ábyrgð á fjármálum hennar gagnvart læknadeild og lyfjafraeðideild sbr. 1. gr., samþykkir rekstrar- og fjárhagsáætlun og gerir tillögu til deildanna um fjárveitingar og skiptingar þeirra ásamt skiptingu annarra tekna.

Stjórnin gerir tillögu að samþykktum um þjónusturannsóknir sem háskólarád staðfestir.

Stjórnin efnir til ársfundar með starfsmönnum Lyfjafraeðistofnunar þar sem ársskýrsla er lögð fram og fjallað um önnur mál svo sem kveðið er á um í reglum fyrir Háskóla Íslands.

8. gr.
Forstöðumaður og starfsmenn.

Rektor ræður stofnuninni forstöðumann að fenginni tillögu deildanna tveggja, læknadeildar og lyfjafraeðideildar, og á grundvelli umsagnar stjórnar stofnunarinnar, sbr. 6. tölul. 27. gr. reglna fyrir Háskóla Íslands. Rektor setur forstöðumanni erindisbréf.

Forstöðumaður annast daglegan rekstur stofnunarinnar og sér um framkvæmd á þeim málum, sem stjórnin felur honum.

Stofustjórar skulu valdir samkvæmt starfsreglum stofnunarinnar sem stjórn setur.

Starfsmenn stofnunarinnar eru auk forstöðumanns:

- a. Próffessorar, dósentar, lektorar og aðjúnktar við læknadeild og lyfjafraeðideild og þeir sem hafa fengið starfsaðstöðu á stofnuninni.
- b. Gistikennarar, sérfræðingar, stundakennarar og nemar í rannsóknatengdu námi, sem sinna tímabundnum verkefnum í lyfjafraeði, eiturefnafræði eða skyldum greinum, skv. ákvörðun stjórnar stofnunarinnar.

- c. Stúdentar sem vinna að verkefnum í tengslum við nám.
- d. Skrifstofustjóri og annað starfsfólk á skrifstofu og rannsóknastofum.

Um ráðningu annars starfsfólks fer eftir ákvæðum reglna fyrir Háskóla Íslands. Sé um að ræða ráðningu í starf, og ekki er gert ráð fyrir því starfsheiti í reglum fyrir Háskóla Íslands, fer stjórn stofnunarinnar eða forstöðumaður í umboði hennar með ráðningarmálið.

9. gr.

Fjármál.

Tekjur Lyfjafræðistofnunar Háskóla Íslands eru eftirfarandi:

- a. framlag frá læknadeild og lyfjafræðideild,
- b. styrkir til einstakra verkefna,
- c. greiðslur fyrir þjónustustarfsemi,
- d. tekjur af útgáfustarfsemi,
- e. aðrar tekjur, t.d. gjafir og framlög úr ríkissjóði eftir því sem kveðið kann að vera á um í fjárlögum.

Reikningshald stofnunarinnar skal vera hluti af reikningshaldi háskólans. Fjárhagsáætlun skal kynnt og lögð fram til samþykktar á deildarfundum læknadeildar og lyfjafræðideildar.

Sé um að ræða útselda þjónustu, sem veitt er í samkeppni við einkaaðila, skal sú starfsemi fjárhagslega afmörkuð frá öðrum rekstri stofnunarinnar og þess gætt að sá rekstur sé ekki niðurgreiddur með öðrum tekjum, í samræmi við ákvæði samkeppnislaga.

Um stjórnunar- og aðstöðugjald af sértekjum fer eftir ákvæðum 72. gr. reglna fyrir Háskóla Íslands.

10. gr.

Reglur þessar, sem háskólaráð hefur sett á grundvelli heimildar í 2. mgr. 9. gr. laga nr. 41/1999 um Háskóla Íslands sbr. 27. gr reglna nr. 458/2000 fyrir Háskóla Íslands, öðlast þegar gildi. Jafnframt fellur úr gildi reglugerð nr. 126/1997 um lyfjafræðistofnun Háskóla Íslands, sbr. 1. mgr. 130. gr. reglna nr. 458/2000.

Háskóla Íslands, 17. október 2002.

Páll Skúlason.

Pórrður Kristinsson.

REGLUGERÐ

um tiltekna epoxy afleiður til notkunar í efni og hluti sem ætlað er að snerta matvæli.

1. gr.

Gildissvið.

Reglugerð þessi gildir fyrir efni og hluti sem í sínu lokaástandi er ætlað að snerta matvæli og framleidd eru úr eða innihalda eitt eða fleiri af eftirtöldum efnum, svokölluðum epoxy afleiðum:

1. 2,2-bis(4-hýdroxyfénýl)própanbis(2,3-epoxyprópýl)eter, hér eftir kallað BADGE, og tiltekna afleiður þess;